

RELATORIU SEMANAL

26 ate 28 Jullu 2021



**MONITORIZASAUN BA
IMPLEMENTASAUN VASINA IHA
TERRITÓRIU-TIMOR-LESTE**



Forum ONG Timor-Leste – FONGTIL Vaccine Monitoring

FONGTIL-ReNAS

Lista Konteúdu

Contents

Introdusaun	3
Objetivu Monitorizasaun	3
Se mak implementa Monitorizasaun	3
Area Monitorizasaun (Lokasaun no Tempu)	4
Area Programa mak sei halo Monitorizasaun	4
Prosesu Monitorizasaun no Advokasia	4
Metodolojia Monitrizasaun	4
Deskobrimentu Monitorizasaun Vasina	5
Konkluzau no Rekomendasaun	10
Konkluzau	11
Rekomendasaun	11

Introdusaun

FONGTIL halo nia kna'r hodi apoiu politika governu nian katak to'o dezembru 2021 populasaun Timor-Leste mais 80 % simu ona Vacina. **FONGTIL** aseguira katak oinsa ministerio saude, liu-liu pessoal saude sira bele presta atendimentu diak ba populasaun sira, nune'e bele hasae taxa partisipasaun populasaun ba simu vacinasaun. **FONGTIL** destaka 44 NGO ne'ebe halo monitorizasaun ba programa Vacinasaun iha Postu 65, 12 Municipio no RAEOA, monitoring refere hahu Juñu ate dezembru 2021

Husi parte saude tinan ida liu ona mundu enfrenta situasaun COVID-19, no to agora kuaze ema liu tokon 170 mak intestadu husi COVID-19, mate tokon 3 atus lima no Timor-Leste hasoru inimigu invizivel, ema sira ne'ebe mak rekopera tokon 152 <https://www.worldometers.info/coronavirus/>. Iha Timor-Leste rasik hahu husi fulan Marsu 2020 to agora dia 20 jullu 2021 total populasaun mak intestadu COVID-19 hamutuk 10.695 , rekopera hamutuk 9806 no mate 26 (COVID-19 Timor-Leste Update 29 Jullu 2021).

Ministeriu saude detekta kazu foun ho variante delta bazeia ba sekuensia genomika 300 amostra nebe manda ba australia deteta kazu 4 pozitivu ho kodigu B.1.617.2. ho ida ne'e komidade hotu presija vasina hodi hasae imunidade ema nian hodi hasoru pandemia ne'e. Progresu imunizasaun Covid-19 iha Timor-Leste total doze nebe fo ona ba komidade hamutuk 375.055 hosi Atrazeneca no Sinovac. ida ne'e presija tebes estratejia hodi hasae taxa partisipasaun vasina persija halo kolaborasaun ho autoridade lokal no chefe suku sira tamba komidade sempre fiar sira nia Lideransa kada munisipiu, postu administrativu no Suku.

Governu Timor-Leste, Organizasaun Saude Mundial, no organizasaun hotu-hotu servisu hodi responde ba situasaun pandemia COVID-19 liu husi hamosu lejjlazaun sira, Protokolu no inklui mata dalan planeamentu no implementasaun COVID-19 mak aprova husi Konsellu Ministru iha 26 Maiu 2021 <http://timor-leste.gov.tl/?p=28202&lang=tp>.

Vasina hanesan meus preventiva ba pandemia COVID-19, nune'e atu garante efikasias, kualidade, prestasaun servisu no direitu sidadaun nian mak importante envolvimentu sosiedade sivil hodi halo monitorizasaun no advokasia.

Objetivu Monitorizasaun

Objetivu husi monitorizasaun mak:

- Atu aseguira iha retroasaun (feedback) ba aseguira prestasaun servisu mak iha kualidade, efikasias no inkluzivu
- Aseguira komidade ninia direitu hodi asesu ba informasaun kona baimportante husi vasina no asesu ba vasina ho konsiensia rasik.
- Aseguira iha retroasaun (feedback) ba publiku hodi hasa'e sira nia partisipasaun publiku iha vasina hanesan meus hodi kontribui ba prevensaun COVID-19.

Se mak implementa Monitorizasaun

FONGTIL mak sei lidera servisu monitorizasaun membru ONG sira iha territoriu tomak, iha espetasaun ONG 39 mak hala'o programa monitorizasaun ida ne'e, no kada munisipiu ONG tolu. Ho nune'e relatoriu NGO sira ne'ebe hatama ona rezultadu monitorizasaun mai iha **FONGTIL**

hosi loron 26 Julu to'o 28 Julu 2021 mak NGO FUNDASAUN UMA PAS BAUCAU, Sharis Haburas Comunidade (SHC), ANCT-TL, Juventude Inovativu, AUFD, HIS, Radio Comunidade Tokodede no informasaun adisional sira seluk tan husi municipiu sira.

Area No Tempu Monitorizasaun (Lokasaun no tempu)

Monitorizasaun ida ne'e halo iha postu administrativu 39 iha 12 munisipius no dadus sira tama mai iha dia 26 ate 28 Julu 2021 mak hanesan tuir mai ne'e ho tarjetu ba fatin sira implementasaun vasina nian no informasaun adisional sira seluk liu husi Whatsapp Grupu.

No	ONG	Munisipiu	Targetu	Data
1	ANCT-TL, JI, SHC	Dili	Kampus UNTL, SAMES, Klinika Maternidade Fatumeta, Sentru Saude Becora	26- 28 Julho
2	Fundasaun Uma Paz Baucau, AUFD	Baucau	Sentru Saude Laga, Sentru Saude Bucoli, Sentru Saude Bahu-Riamare, Sentru Saude Ualili, Postu Saude Diwake	26-28 Julho
3	HIS	Aileu	Sentru Saude Remixio	26-28 Julho
4	RKD	Liquica	Sentru Saude Maubara	26-28 Julho

Prosesu Monitorizasaun no Advokasia


1. Faze preparasaun, sei organiza ONG membru tolu kada municipiu hodi halo orientasaun kona-ba prosesu monitorizasaun.
2. ONG membru sira sei rekolla dadus iha territóriu Timor-Leste tomak liu husi métodu observasaun, dada lia pesoál saúde, lider comunidade no membru comunidade (hare'e métodu spesífiku tuir pergunta).
3. ONG membru sira iha Municipiu ida-idak sei organiza dadus inklui halo entry ba formatu prienxe dadus nian mak kria iha kada municipiu no apresenta ba sekretáriadu FONGTIL
4. Ekipa téknika ida iha sekretáriadu FONGTIL sei organiza dadus sira, kompila dadus prodús relatóriu deskobrementu no Diretór Ezekutivu regulármente sei hato'o ba públiku no dirije ba ministériu relevante.
5. Prosesu follow no avaliasaun advokasia sei planeia hodi garante realizasaun ba rekomendasaun sira.

Metodolojia Monitrizasaun no Analiza dadus.

Monitorizasaun ne'e uja mak metodu observasaun no rekolha dadus uja chek list ka kestionariu badak ida atu observa ba prosesu vasinasaun sira iha sentru vasina nian. Hosi metodu halibur dadus hotu sei organiza dadus no analiza dadus uja softwear SPSS no formatu priense dadus nian, nune'e mos uja analiza deskriptivu persentazen ba grafiku ba perguntas sira ne'ebe iha. Analiza hotu sei elabora deskobrimentu sira no hamosu rekomendasaun.


Deskobrimentu hosi Monitorizasaun Vasina hosi loron 26 ate 28 Julju 2021

1. Oinsá prosesu rejistrasaun?




Rezultadu deskobrimentu ba prosesu rejistrasaun Komunitade ne'ebe mak mai vasina, ne'e hatudu katak 85% mak hatete Rejistu lao diak no pesoal saude sira tuir tempu , 15% mak hatete rejistu la lao diak no pesoal saude sira halo atendementu la tuir tempu maibe komunitade sira nia partisipasaun ba vasinasaun aumenta, Ida ne'e esforsu bo'ot ida atinji ona no iha mudansa signifikante tamba semana daneen persentejen sae no signifika katak Ministeriu Saude consege hadia ona lakuna balun no esforsu ida ne'e kontinua hodi hadia ba futuro.

2. Pesoal Saude sira kria oráriu vasinasaun ka lae?




Rezultadu deskobrimentu hatudu katak pesoal saude sira kria ona orariu vasinasaun, ne'e hatudu rezultadu katak 45% mak iha orariu vasina nian eskrita no fahe ba komunitade, 35% pesoal saude sira halo avizu iha bairo ka suku no 20% mak hatete laiha orariu no avizu komunitade rona husi vizinu ka familia deit. Rezultadu hatudu iha mudansa ba kria orariu ba vasinasaun, ne'e tamba iha kolaborasaun servisu diak ho autoridade lokal sira no liu husi kolaborasaun ne'e autoridade lokal sira hato'o informasaun antes ba komunitade sira liu-liu fo hatene konaba orariu lolos hodi nune'e komunitade sira bele hola parte iha vasinasaun.

3. Tempu vasina kada loron tuir oráriu ka lae?




Rezultadu Deskobrimentu vasina kada loron tuir orariu ka lae ne'e hatudu katak 95% mak hatete pesoal saude sira halo atendementu vasina tuir orariu, 5% ne'e hatete katak pesoal saude sira halo atendementu vasina dala la tuir orariu,. Ida ne'e atu hatete katak kada loron iha ona mudansa vasina tuir orariu. Ida ne'e hatudu katak rekomendasaun balu responde ona no pesoal saude sira halo ona atendimentu vasina no nafatin esforsu no pasensia tuir regras nebe iha hodi bele atende komunitade sira ho diak tuir orariu ne'ee iha ba sentru saude no postu saude sira.

4. Pesoal saude sira hetan ona treinamentu adekuadu hodi halo vasina?



Rezultadu deskobrimentu sira hetan ona treinamentu hodi halo vasina ne'e hatudu katak 95,00% doutor no pesoal saude sira hotu hetan ona trenamentu adekuadu hodi halo vasina, 5%% mak Doutor no pesoal saude sira sidauk hetan ona trenamentu adekuadu hodi halo vasina. Hosi ne'e iha mudansa signifikante husi semana kotuk nia relatoriu tamba persentajen ne'e as no konsidera rekomendasaun sira bele responde ona maibe nafatin fo trenamentu adekuadu oinsa bele melhora servisu diak liu tan.Persentajen as ona ne'e laos sasukat ida atu orgulho maibe ita nafatin esforsu atu hadia servisu sira ne'e atu nune'e sai profesional liu tan.

5. Pesoal saude uza ekipamentu protesaun pesoal iha momentu halo vasina.




Rezultadu deskobrimentu hatudu katak pesoal saude uza ekipamentu protesaun pesoal iha momentu halo vasina, ne'e hatete katak 50% mak pesoal saude uza EPP maibe la kompletu, 5% mak hatudu pesoal saude la uza EPP, 45% mak pesoal saude uza ekipamentus protesaun pesoal ho kompletu. Persentajen pesoal saude sira uza ekipamentu protesaun pesoal ho kompletu ne'e persentajen as ona no rekomendasaun sira iha responde ona maibe presija esforsu atu nafatin sosa EPP ba pesoal saude sira bele uza wainhiira halo vasinasaun iha komunnidade nia le'et, ida ne'e esforsu Ministeriu saude nian oinsa bele fo atensaun masimu nafatin no seguru ba pesoal saude no doutor sira.

6. Pesoal saude fahe informasaun ba komunnidade kona-ba importante husi vasina



Rezultadu deskobrimentu kona ba pesoal saude fahe informasaun ba komunnidade kona ba importansia husi vasina nian ne'e hatudu katak 30% mak komunnidade hetan esplikasaun klean kona ba importansia vasina husi pesoal saude iha bairo ka suku, 55% mak komunnidade hetan esplikasaun kona ba importansia vasina husi pesoal saude iha momentu mai halo vasina, 15% mak hatete komunnidade hetan esplikasaun husi membru familia no vizinhu no la komprende kona ba importansia husi vasina. hatudu katak guvernun komesa hadia ona servisu balu no atinji kona ba fahe informasaun ba komunnidade momentu vasina.

7. Fatin vasina iha espasu no ambiente ijiene



Deskobrimentu ba fatin vasina iha espasu no ambiente ijiene hatudu katak 60% hatete fatin luan no espasu akomodasaun membru komunnidade nebe mak atu vasina no ambiente ijiene, 35% mos hatete fatin iadun sufisiente hodi akomoda membru komunnidade mak atu vasina no ambiente iadun ijiene no 5% mak hatete fatin iaiha espasu no ambiente la ijiene. Ida ne'e nafatin atensaun ba fatin no espasu akomodasaun ema barak atu vasina ne'e tamba distansiamentu sosial ba komunnidade importante no oinsa mak bele kombate vasina ho diak liu tan.

8. Fatin vasina prepara ekipamentu prevensaun COVID-19 nian hanesan fasilidade fase liman no seluk-seluk tan?



Deskobrimentu ba fatin vasina iha ekipamentu prevensaun COVID-19 hanesan fasilidade fase liman no Sinitezer ne'e hatudu katak 30% hatete fatin vasina iadun adekuadu iha fasilidade be'e, hane fatin, fase liman no saboun, 55% hatete fatin fatin vasina iha be'e, hane fatin no fasilidade liman ho saboun no material prevensaun sira seluk, 15% mak hatete fatin la iha fasilidade be'e hane fatin, fase liman ho saboun no material prevensaun hanesan sanitizer. Ida ne'e iha mudansa oituan ona no presija atensaun ba ekipamentu fasilidade sira atu nune'e prevensaun diak liu.

9. Fatin vasina assesível ba ema ho defisiensia no idozu sira



Fatin vasinasaun asesivel ba ema ho defisiensia ho idozus sira hatudu katak 80% fatin vasina assesivel ba ema ho desifiensia no idozus, 20% mak fatin vasina la assesivel ba ema ho defisiensia no idozus sira, iha mudansa ba asebilidade ne'e no rekomendasau sira iha fatin balu responde ona maibe oinsa halo rampa atu nune'e ferik no katuas no ema ho defisiensia sira bele hola parte ba vasinasaun ho seguru no bele hasae taxa partisipasaun. Maski persentajen kiik ona maibe nafatin konsidera.

10. Fatin vasina sentru komidade no atrai partisipasaun



Fatin vasinasaun sentru ba komidade no Atrai partisipasaun komidade nian ne'e hatudu katak 35%. Fatin la Sentru no difikulta ba komidade ninia partisipasaun tamba maioria komidade hela dok husi fatin vasina, 30% ne'e fatin sentru no la difikulta komidade ninia partisipasaun hodi tur vasina, 35% mak Fatin ladun sentru no difikulta ba komidade sira nian partisipasaun hodi tur vasina tamba balun dok no balun besik. Ita sidauk atinji ba ida ne'e no presija fatin vasina ne'e besik liu tan sira ka uja maneria aprosimasaun diak hodi bele konvense atu komidade bele ba vasina. Presija buka fatin sira ho seguru no besik ba komidade.

11. Membru Komidade mak atu vasina kumpre Protokolu saude nian kona-ba distansia, uza maskara no iha fasilidade prevensaun ijiene pesoal




Membru Komidade mak atu vasina kumpri protokolu saude nian hanesan distansiamentu sosial, uja maskra no iha fasilidade prevensaun ijiene ne'e hatudu katak 70% mak hatete fatin vasina ladun organiza ho distansiamentu no komidade ladun kumpriende protokolu saude nian kona ba prevensaun, 20% hatete fatin vasina nian organiza distansiamentu sosial no komidade hotu kumpri protokolu saude kona ba prevensaun, 10% hatete fatin vasina la organiza distansiamentu la kumpri protokolu saude. presija atensaun tamba persentajen sidauk hatudu mudansa.

12. Membru komidade simu vasina ho konsiensia rasik sein dudu husi ema seluk ka ameasa ruma?




Membru Komidade simu vasina ho konsiensia rasik sein dudu husi ema seluk ka ameasa ne'e deskobre katak 17,39% hatete katak komidade simu vasina maibe tamba dudu husi parte seluk, 55% hatete katak komidade simu vasina ho konsensia rasik tamba importansia husi vasina hodi prevene COVID-19, 45% mak hatete katak komidade simu vasina la ho konsensia maibe hakarak bele lao ba mai livre. Ida ne'e presija atensaun no maneira oinsa komidade sira ba vasina ho konsensia maibe semana ne'e tun ladun iha mudansa no komidade balu iha ona konsensia maibe iha fatin balu sidauk.

13. Doutor no Pesoal na'in hira mak atende vasina




Doutor no pesoal saude hira mak atende vasina ne'e deskobre katak 35% mak hatete katak numeru doutor no pesoal saude sira la balansu ho membru comunidade nune'e atendementu kleur, 45% mak hatete doutor no pesoal saude sira mak halo atendementu barak no atendementu lalais, 20% mak hatete doutor no pesoal saude limite tebes nune'e prejudika atendementu kleur tebes labele responde membru comunidade. Presija atensaun ba kolokasaun doutor no pesoal saude sira iha sentru vasinasaun ne'ebe comunidade barak.

14. Doutor sira sei Konsultasaun uluk no membru comunidade livre hodi ko'alia sai istoria moras nian antes simu vasina?



Doutor sira konsultasaun uluk no membru comunidade livre hodi koalia sai istoria moras antes vasina ne'e hatudu katak 10% mak hatete katak comunidade konsulta uluk ho doutor no livre koalia sai istoria moras nian antes simu vasina, 20% hatete katak comunidade konsulta uluk ho doutor ka pesoal saude no ladun kee istoria moras nian antes simu vasina, 70% mak hatete doutor sira konsulta liu deit ou la iha konsultasaun. Ne'e hatudu katak iha fatin vasinasaun sira nebe iha municipiu balu sidauk iha mudansa tamba ne'e konsultasaun ba comunidade antes vasina presija hadia fila fali.

15. Pesoal saude halo vasina ba membru comunidade tuir Protokolu vasina nian




Pesoal saude hala'o vasina ba membru comunidade tuir protokolu vasina nian ne'e deskobre katak 100% hatete katak vasina ho diak no la iha reazen husi comunidade ne'ebe iha mementu vasina iha sentru vasinasaun. Ida ne'e diak ona maibe nafatin kuidadu no presija atensaun masimu ba ida ne'e hodi nune'e karik reazen bele atende lalais. Ministeriu saude bele uja dadus ida ne'e hanesan argumentu forti atu bele espelika ba comunidade.

16. Depois de simu tiha vasina, membru comunidade mak hetan vasina sei deskansa oras ida hodi halo



Depois simu vasina membru comunidade hetan vasina sei deskansa oras ida hodi halo observasaun ne'e deskobre katak 25% comunidade simu vasina deskansa la to'o oras ida iha fatin vasina hodi halo observasaun, 40% mak comunidade simu vasina deskansa to'o oras ida iha fatin vasina hodi halo observasaun no 35% mak hatete ema simu vasina la deskansa no fila direita ba uma. Nafatin fo informasaun atu comunidade deskansa antes husik fatin vasinasaun vasinasaun. numeru ne'e sidauk sae no nafatin kiik comunidade sira mak ladun kumpri informasaun sira, tamba ne'e Ministeriu saude presija esforsu hodi nafatin fahe informasaun.

17. Oinsá jestaun ba lixu kro'at no lixu Infesaun.



Jestaun ba lixu kroat no lixu infesaun ne'e deskobre katak 70% lixu kroat (daun, Fresku Botir) no Lixu infesaun (tissue, livas no Hena) organiza diak iha fatin ketak no seguru, 10% mak lixu kroat (hanesan daun, Fresku Botir), no lixu infesaun (tissue, luvas, hena) tau hamutuk no ladun seguru no 20% mak hili opsaun seluk. dadus ida ne'e iha mudansa tamba ne'e presija hadomi ambiente no kuidadu nafatin ambiente, husu atu nafatin atensaun ba ambiente mos.


18. Oinsá prosesu dokumentasaun no relatoriu sira vasina nian



18. Oinsá prosesu dokumentasaun no relatoriu sira vasina nian.

Prosesu dokumentu no relatoriu sira vasina nian deskobre katak 85% dadus organiza diak no komputeriza no komunika ba sentru akumulasaun dadus vasina nian, 15% hatete mak hili opsaun seluk. Ida ne'e diak ona maibe presija atensaun nafatin no baze de dadus ne'e ka dokumentu sira konserva didiak no hatama baze dadus atu nune'e ema hotu bele kontribui vasina. presija hadia mak jestaun dokumentu sira hodi input ba elokroniku iha sentru vasinasaun nian hodi nune'e fasilita komundade hodi nune'e dadus sira tenki hatama sistema ita bele detekta.

19. Iha ka lae lamentasaun ruma husi komundade



Lamentasaun husi komundade nian ba vasina ne'e hatudu katak 20% mak hatete iha lamentasaun no 80% mak la iha lamentasaun. Iha lamentasaun tamba atendentu kleur, vasina mak hotu no balu dok husi fatin vasinasaun, balu tauk atu ba vasina tamba kazu iha bobonaru suku lour, balu la ba vasina tama atu ba kuuk kafe, balu hakarak doutor tenki konsulta, balu hakarak simu vasina sinovac, no balu hakarak pfizer, Komundade mai rejistu atu mai simu vasina maibe pas data vasina sira la marka prejenza fali hodi simu vasina. lamentasaun ne'e pursentu kiik kompara semana kotuk liu ba nian maibe presija atensaun nafatin no karik iha problema iha sentru vasinasaun presija hadia lalais no doutor sira tenki pasensia hodi konsulta komundade.

Deskrobrimentus sira:

Pontus deskobrimentu iha monitorizasaun ba semana dane'en bazeia ba analiza dadus ne'ebe membru organizasaun sosiedade sivil (OSS) manda relatoriu eskrita nomos liu hosi WhatsApp hosi munisipiu no dili mai iha Seretariadu FONGTIL-ReNAS. Hosi analiza dadus ne'e hatudu iha progresu balun ne'ebe Ministeriu Saude halo bazeia ba rekomendasaun ne'ebe sosiedade sivil sira hatama hanesan sosializasaun ba comunidade sira kona-ba importansia vasina ne'ebe hahu intensivu no involve membrus konsellu suku sira hodi fahe informasaun hosi uma ba uma (door to door) nia rezultadu hatudu katak numeru comunidade simu vasina ho konsiensia rasik hahu aumenta, maibe iha rekomendasaun balun hanesan fatin vasina tenki konsidera mos asesibilidade ba EhD no idozus sira iha fatin vasina balun seidak iha mudansa, fasilidade be no saniamentu iha fatin vasina balun sei infrenta nafatin. Deskobrimentu iha semana daneen hanesan tuir mai ne'e:

- 1) Maioria sentru vasinasaun pesoal saude kria orariu ba simu vasina nian no distribui ba comunidade sira hodi bele ba simu vasina;
- 2) Tempu ka orariu atu simu vasina iha sentru saude balun latuir orariu ida ne'e akontese barak liu tanba comunidade sira ne'ebe atu ba simu vasina ba tarde no iha sentru vasina balun comunidade ne'ebe atu ba simu vasina la to'o ne'ebe fo impaktu ba pesoal saude atu fo vasina.
- 3) Pesoal saude ne'ebe fo vasinasaun la uza ekipamentu EPP kompletu ho razaun katak sira nia ekipamentu limitadu no iha deskobrimentu iha sentru saude komunitaria Becora pesoal saude ne'ebe atende comunidade atu rejistu ba vasina la uza EPP ho razaun katak sira hetan vasina doze daruak ona tanba ne'e la neseariu uza EPP
- 4) Maioria comunidade sira ne'ebe ba simu vasina hetan informasaun hosi pesoal saude no autoridade suku no aldeia konaba loron simu vasina.
- 5) Fatin vasina barak mak laiha ekipamentu no fasilidade prevensaun Covid19 hanesan fatin fase liman, be mos iha toilet, hand sanitizer no seluk tan.
- 6) Fatin vasina balun kontinua la fo atensaun ba maluk Ema ho Defisiensi (EhD) no idozus sira atu livremente bele asesu ba simu vasina
- 7) Fatin vasinasaun balun la atrai comunidade sira hakarak ba simu vasina tanba fatin dok hosi sira nia hela fatin, fatin balun liu liu iha vila laran besik estrada no espasau kiik
- 8) Maioria sentru vasinasaun hatudu katak doutor sira fo konsulta no ke istoria moras comunidade nian antes ba simu vasina maibe iha sentru vasina balun pesoal saude no doutor fo konsulta uluk antes simu vasina
- 9) Maioria comunidade sira ne'ebe simu vasina la hetan reagen negativu hosi vasina, ida ne'e Ministeriu Saude bele uza nudar argumentu atu konvense comunidade sira katak vasina AZ no Sinovac ne'e seguru. Iha sentru vasinasaun balun bainhira total comunidade sira ne'ebe atu simu vasina menus hosi 10 pesoal saude sira halo kanselamentu vasinasaun no muda fali ba tempu seluk ida ne'e tenki esplika ba comunidade atu hatene.

Konkluzaan no Rekomendasaun

Konkluzaan

Husi Rezultadu deskobrimentu sira ne'e ba semana dahat nian konklui katak vasinasaun ne'e importante ba sidadaun hotu-hotu iha Timor-Leste liu-liu ho prezensa variante foun DELTA ne'ebe hahu hadaet iha nasaun Indonesia ne'ebe bele fo ameasa boot mai Timor Leste tamba ne'e governu presija iha estratejia oin-oin oinsa atu bele hasae konsiensia komunidadade nian konaba vantajen no seguru bainhira simu vasina AZ no Sinovac hodi nune'e bele hasae taxa partisipasaun sidadaun nian no oinsa sidadaun sira bele vasina hotu tuir governu nia indikador ba atinjimentu sira katak sidadaun sira bele vasina to'o 80% iha teritorio Timor-Leste tomak no importante ida mos prevensaun pandemia COVID-19 iha Timor-Leste hodi bele aseguara efektivamentu servisu iha setores hotu. Sosiedade sivil hanesan parseiru ida importante oinsa halo avaliasaun ba servisu hotu-hotu liu hosi monitorizasaun no advokasia ba rezultadu sira ne'ebe deskobre hodi fo ba ministeriu saude oinsa bele hadia mekanismu implementasaun vasina nian hodi nune'e povu Timor-Leste bele hasae imunidade sidadaun nian atu bele kombate moras Pandemia COVID-19 iha Timor-Leste.

Rekomendasaun

Rekomendasaun importante no urjente atu hadia ba iha kurtu prazu ba deskobrimentu hosi rezultadu monitorizasaun sei kontinua ho rekomendasaun ne'ebe hato'o ona iha semana sira kotuk tanba ami konsidera ministeriu saude seidak halo mudansa signifkante:

- 1) Ministerio saude atu organiza sasan logistic sira hanesan kartaun, jestaun ba distribuisaun vacina liu-liu stok vacina no hadia atendimentu husi pessoal saude ba populasaaun sira.
- 2) Ministeriu saude presiza kontinua halo vasinasaun iha aldeia ka bairru sira hodi nune komunidadade sira bele fasil asesu ba simu vasina ba doze daruak nian.
- 3) Minsiteriu saude atu nafatin kuidadu vasina tau iha konjelador ho temperatura malirin 2 ate 8 derajat celcius iha sentru saude iha munisipiu tomak atu nune'e vasina estavel nafatin no diak para komunidadade simu ho diak.
- 4) Husu ba Ministeriu obras publika liu-liu ba EDTL,IP atu kontrola eletrisidade sira iha teritoriu tomak atu labele mate no nafatin funksiona diak hodi nune'e proteze nafatin vasina Atrazeneka no Sinovac malirin nafatin hodi fo ba komunidadade sira ho diak nomos eletrisidade ba SAMES ne'e tenki atensaun makas tamba vasina sira iha Frezer ne'e diak nafatin hodi utiliza no planu governu atu hatama vasina Pfizer ne'e presija temperatura malirin minus husi 80 derajat celcius.
- 5) Ministeriu Saude kontinua presiza intensifika kampaña konaba importansia no benefisiu vasina nian atu proteje komunidadade hosi Covid-19 atu nune'e komunidadade ho konsiensia rasik ba simu vasina laos tanba hakarak simu vasina hodi bele lao ka sirkula livre. Kampaña ne'e tenki involve autoridade lokal no aldeia atu nune'e komunidadade iha area rural sira bele asesu ba informasaun ne'ebe los. Asesu informasaun ba komunidadade tenki konsidera mos ba maluk defisiensia sira liu liu defisiente tilun no matan.

6. Ministeriu saude atu buka fatin vasinasaun ne'ebe iha asesibilidade ba ema ho defisiensia no idozus sira atu nune'e ferik no katuas no ema ho defisiensia sira bele hola parte iha vasinasaun ho diak, selae Ministeriu Saude estabesele Ekipa Vasinasaun Movel hodi bele atende Ema ho Defisiensia (tuir dadus ema ho defisiensia iha Timor-Leste hamutuk rihun 30) no idozus sira iha sira nia hela fatin atu nune'e sira hotu bele simu vasina ho diak maibe presija kolabora Chefe aldeia no Chefe Suku sira.
- 6) Ministerio saude tenki kontrola masimu ba pessoal saude sira iha municipio hotu no RAEOA atu servi ho laran no hadia prestasaun servisu diak ba populasaun sira ne'ebe simu vacinasaun.
- 7) Ministeriu Saude tenki distribui ekipamentu prevensaun Covid-19 liu liu masker ba sentru vasina sira atu nune'e komidade sira ne'ebe ba simu vasina no la uza maskra bele distribui ba sira antes tama ba sentru vasinasaun nian
- 8) Ministerio saude Kontinua sensibiliza komidade konaba vacina no nia efeitu pozitivu no negativu sira ba populasaun hodi konvense ita nia populasaun atu kontinua hakat ba sentru saude hodi simu vacinasaun.
- 9) Rekomenda ba sentru saude hotu atu kolabora ho FONGTIL nia pessoal *Monitorizasaun nian* oinsa servisu hamutuk hodi hadia servisu publiku nian liu-liu vasinasaun nian.
- 10) Ministeriu Saude tenki kria mekanismu ba komidade sira ne'ebe ho tinan 18 ne'ebe ho konsiensia rasik hakarak simu vasina maibe seidak iha kartaun eleitoral hodi bele simu vasina.
- 11) Ministeriu Saude tenki distribui mos vasina Sinovac ba municipiu sira atu nune'e iha municipiu komidade sira ne'ebe hakarak simu vasina sinovac bele simu maibe karik la distribui tenki fo razaun ba povu tomak bele hatene.
- 12) Ministeriu Saude tenki dsiponibiliza ka apoiu transporte ou kareta ba pesoal saude no doutor sira ne'ebe distansia dok liu hodi labele prejudika orariu vasina ba komidade sira (iha sentru Saude Bahu-Raemare-Baucau)
- 13) Ministeriu saude presija servisu hamutuk ho Sosiedade sivil iha nasional no municipiu no RAEOA oinsa halo kampanha konjunta ba importansia vasina AZ, Sinovac no Pfizer nebe planu atu vasina ba estudante sira ho idade 12 ate 17 iha fulan setembru mai ne'e.
- 14) Rekomenda ba PNTL atu fo Siguransa ba SAMES rejional sira atu tau atensaun ba vasina no aimoruk sira nebe SAMES manda ba municipiu sira liliu ba SAMES baucau tamba balu tenta ameansa ba funsionariu SAMES rejional tamba balu ba buka servisu iha SAMES maibe vaga mak la iha.